

能令無量諸衆生
智慧光明如淨日
功德常發警巨海
普發無邊功德願
盡未來際依願行
無量大願難思議

悉斷惑業向涅槃
衆行具足猶滿月
無垢無礙同虛空
悉與一切衆生樂
常勤修習度衆生
願令衆生悉清淨

空無相願無依處
了法自性如虛空
法門無數不可說
十方世界諸如來
此心無量德所嚴
如衆生數亦許劫

以願力故皆明顯
一切寂滅悉平等
爲衆生說無所著
悉其讚歎初發心
能到彼岸同於佛
說其功德不可盡

以住如來廣大家
欲知一切諸佛法
此心功德中最勝
衆生心行可數知
虛空邊際乍可量
出生三世一切佛

三界諸法無能喻
宜應速發菩提心
必得如來無礙智
國土微塵亦復然
發心功德無能測
成就世間一切樂

增長一切勝功德
開示一切妙境界
成就一切清淨刹
出生一切如來智
欲見十方一切佛
欲滅衆生諸苦惱
欲施無盡功德藏
宜應速發菩提心

平末

平七

大方廣佛華嚴經卷第十七

大方廣佛華嚴經卷第十八

一千闍國三藏沙門寶叉難陀譯

大方廣佛華嚴經明法品第十八

爾時精進慧菩薩白法慧菩薩言佛子菩薩
摩訶薩初發求一切智心成就如是無量功
德具大莊嚴升一切智乘入菩薩正位捨諸

世間法得佛出世法去來現在諸佛攝受決定至於無上菩提究竟之處彼諸菩薩於佛教中云何修習令諸如來皆生歡喜入諸菩薩所住之處一切大行皆得清淨所有大願悉使滿足獲諸菩薩廣大之藏隨所應化常為說法而恒不捨波羅蜜行所念衆生成合得度紹三寶種使不斷絕善根方便皆悉不虛佛子彼諸菩薩以何方便能令此法當得圓滿願垂哀愍為我宣說此諸大會靡不樂聞復次如諸菩薩摩訶薩常勤修習滅除一切無明黑暗降伏魔鬼制諸外道永除一切煩惱心垢悉能成就一切善根求出一切惡趣諸難淨治一切大智境界成就一切菩薩諸地諸波羅蜜總持三昧六通三明四無所畏清淨功德莊嚴一切諸佛國土及諸相好身語心行成就滿足善知一切諸佛如來力無所畏不共佛法一切智智所行境界為欲成熟一切衆生隨其心樂而取佛土隨根隨

時如應說法種種無量廣大佛事及餘無量諸功德法諸行諸道及諸境界皆悉圓滿疾興如來功德平等於諸如來應正等覺百千阿僧祇劫修善薩行時所集法藏悉能守護開示演說諸魔外道無能沮壞攝持正法無有窮盡於一切世界演說法時天王龍王夜叉王乾闥婆王阿脩羅王迦樓羅王緊那羅王摩睺羅伽王人王梵王如來法王皆悉守護一切世間恭敬供養同灌其頂常為諸佛之所護念一切菩薩亦皆愛敬得善根力增長白法開演如來甚深法藏攝持正法以自莊嚴一切菩薩所行次第願皆演說余時精進慧菩薩欲重宣其義而說頌言

大名稱者善能演菩薩所成功德法深入無邊廣大行具足清淨無師智若有菩薩初發心成就福德智慧乘入離生位超世間普獲正等菩提法彼復云何佛教中堅固勤修轉增勝

令諸如來悉歡喜
所行清淨願皆滿
常能說法度衆生
菩薩一切波羅蜜
所念衆生咸救度
所作堅固不唐捐

如諸勝者所修行
永破一切無明暗
所有垢穢悉滌除
永離惡趣諸險難
獲妙道力鄰上尊
證得如來最勝智

彼清淨道願宣說
降伏衆魔不外道
得近如來大智慧
淨治大智殊勝境
一切功德皆成就
住於無量諸國土

隨衆生心而說法
及作廣大諸佛事
開演如來正法藏
無能超勝無與等
常能受持諸佛法
云何無畏如師子
云何修習佛功德
猶如蓮華不着水
余時法華菩薩告精進慧菩薩言善哉佛子

汝今爲欲多所饒益多所安樂多所惠利哀
愍出間諸天及人問於如是菩薩所修清淨
之行佛子汝住實法發大精進增長不退已
得解脫能作是問同於如來諸聽聞善思
念之我今承佛威神之力爲汝於中說其少
分佛子菩薩摩訶薩已發一切智心應離癡
暗精勤守護無令放逸佛子菩薩摩訶薩住
十種法名不放逸何者爲十一者護持衆戒
二者遠離愚癡淨菩提心三者心樂質直離
諸詭諱四者勤修善根無有退轉五者恒善
思惟自所發心六者不樂親近在家出家一
切凡夫七者修諸善業而不願求世間果報
八者永離二乘行菩薩道九者樂修衆善令
不斷絕十者恒善觀察自相續力佛子若諸
菩薩行此十法是則名爲住不放逸佛子菩
薩摩訶薩住不放逸得十種清淨何者爲十
一者如說而行二者念智成就三者住於深
定不沉不舉四者樂求佛法無有懈息五者

隨所聞法如理觀察具足出生巧妙智慧六
者入深禪定得佛神通七者其心平等無有
高下八者於諸衆生上中下類心無障礙猶
如大地等作利益九者若見衆生乃至一發
菩提之心尊重承事猶如和尚十者於授戒
和尚及阿闍梨一切菩薩諸善知識法師之

所常生尊重承事供養佛子是名菩薩住不
放逸十種清淨佛子菩薩摩訶薩住不放逸
發大精進起於正念生勝欲樂所行不息於
一切法心無依處於甚深法能勤修習入無
諍門增廣大心佛法無邊能順了知令諸如
來皆悉歡喜佛子菩薩復有十法能
令一切諸佛歡喜何等爲十一者精進不退
二者不惜身命三者於諸利養無所希求四
者知一切法皆如虛空五者善能觀察普入
法界六者知諸法印心無倚著七者常發大
願八者成就清淨忍智光明九者觀自善法
心無增減十者依無作門修諸淨行佛子是

爲菩薩住十種法能令一切如來歡喜佛子
復有十法能令一切諸佛歡喜何等爲十所
謂安住不放逸安住無生忍安住大慈安住
大悲安住滿足諸波羅蜜安住諸行安住大
願安住巧方便安住勇猛力安住智慧觀一
切法皆無所住猶如虛空佛子若諸菩薩住
平人
四

此十法能令一切諸佛歡喜佛子有十種法
令諸菩薩速入諸地何等爲十一者善巧圓
滿福智二行二者能大莊嚴波羅蜜道三者
智慧明達不隨他語四者承事善友恒不捨
離五者常行精進無有懈怠六者善能安住
如來神力七者修諸善根不生疲倦八者深
心利智以大乘法而自莊嚴九者於地地法
門心無所住十者與三世佛善根方便同一
體性佛子此十種法令諸菩薩速入諸地復
次佛子諸菩薩初住地時應善觀察隨其所
有一切法門隨其所有甚深智慧隨所修因隨
所得果隨其境界隨其力用隨其示現隨其分

別隨其所得悉善觀察知一切法皆是自心而無所著如是知已入菩薩地能善安住佛子彼諸菩薩作是思惟我等宜應速入諸地何以故我等若於地地中住成就如是廣大功德具功德已漸入佛地住佛地已能作無邊廣大佛事是故宜應常勤修習無有休息無有疲厭以大功德而自莊嚴入菩薩地佛子有十種法令諸菩薩所行清淨何等爲十一者悉捨資財滿衆生意二者持戒清淨無所毀犯三者柔和忍辱無有窮盡四者勤修諸行永不退轉五者以正念力心無迷亂六者分別了知無量諸法七者修一切行而無所著八者其心不動猶如山王九者廣度衆生猶如橋梁十者知一切衆生與諸如來同一體性佛子是爲十法令諸菩薩所行清淨菩薩既得行清淨已復獲十種增勝法何等爲十一者他方諸佛皆悉護念二者善根增勝超諸等列三者善能領受佛加持力四者常得

善人爲所依怙五者安住精進恒不放逸六者知一切法平等無異七者心恒安住無上大悲八者如意觀法出生妙慧九者能善修行巧妙方便十者能知如來方便之力佛子是爲菩薩十種增勝法佛子菩薩有十種清淨願何等爲十一願成熟衆生無有疲倦二願具行衆善淨諸世界三願承事如來常生尊重四願護持正法不惜軀命五願以智觀察入諸佛土六願與諸菩薩同一體性七願入如來門了一切法八願見者生信無不獲益九願神力住世盡未來劫十願具普賢行淨治一切種智之門佛子是爲菩薩十種清淨願佛子菩薩住十種法令諸大願皆得圓滿何等爲十一者心無疲厭二者具大莊嚴三者念諸菩薩殊勝願力四者聞諸佛土悉願住生五者深心長父盡未來劫六者願悉成就一切衆生七者住一切劫不以爲勞八者受一切苦不生厭離九者於一切樂心無貪

著十者常勤守護無上法門佛子菩薩滿足如是願時即得十種無盡藏何等爲十所謂普見諸佛無盡藏總持不忘無盡藏決了諸法無盡藏大悲救護無盡藏種種三昧無盡藏滿衆生心廣大福德無盡藏演一切法甚深智慧無盡藏報得神通無盡藏住無量劫

無盡藏入無邊世界無盡藏佛子是爲菩薩十無盡藏菩薩得是十種藏已福德具足智慧清淨於諸衆生隨其所應而爲說法佛子菩薩云何於諸衆生隨其所應而爲說法所謂知其所作知其因緣知其心行知其欲樂貪欲多者爲說不淨瞋恚多者爲說大慈愚

癡多者教勤觀察三毒等者爲說成就勝智法門樂生死者爲說三苦若著處所說處空寂心懈怠者說大精進懷我慢者說法平等多詔誨者爲說菩薩其心質直樂寂靜者廣爲說法令其成就菩薩如是隨其所應而爲說法爲說法時文相連屬義無舛謬觀法先

後以智分別是非審定不違法印次第建立無邊行門令諸衆生斷一切疑善知諸根入如來教證真實際知法平等斷諸法愛除一切執常念諸佛心無斲捨了知音聲體性平等於諸言說心無所著巧說譬喻無相違反悉令得悟一切諸佛隨應普現平等智身菩

薩如是爲諸衆生而演說法則自修習增長義利不捨諸度具足莊嚴波羅蜜道是時菩薩爲令衆生心滿足故內外悉捨而無所著求是則能淨檀波羅蜜具持衆戒而無所著求離我慢是則能淨尸波羅蜜參能忍受一切諸惡於諸衆生其心平等無有動搖譬如大地能持一切是則能淨忍波羅蜜普發衆業常修靡懈諸有所作恒不退轉勇猛勢力無能制伏於諸功德不取不捨而能滿足一切智門是則能淨精進波羅蜜於五欲境無所貪著諸次第定悉能成就常正思惟不住不出而能銷滅一切煩惱出生無量諸三昧門

成就無邊大神通力逆順次第入諸三昧於一三昧門入無邊三昧門悉知一切三昧境界與一切三昧三摩鉢底智印不相違背能速入於一切智地是則能淨禪波羅蜜於諸佛所聞法受持近善知識承事不倦常樂聞法心無厭足隨所聽受如理思惟入真三昧離諸僻見善觀諸法得實相印了知如來無功用道乘普門慧入於一切智智之門永得休息是則能淨般若波羅蜜示現一切世間作業教化衆生而不厭倦隨其心樂而爲現身一切所行皆無染著或現凡夫或現聖人所行之行或現生死或現涅槃善能觀察一切所作示現一切諸莊嚴事而不貪著偏入諸趣度脫衆生是則能淨方便波羅蜜盡成就一切衆生盡莊嚴一切世界盡供養一切諸佛盡通達無障礙法盡修行偏法界行身恒住盡未來劫智盡知一切心念盡覺悟流轉還滅盡示現一切國土盡證得如來智慧

是則能淨願波羅蜜具深心力無有雜染故具深信力無能摧伏故具大悲力不生疲厭故具大慈力所行平等故具懲持力能以方便持一切義故具辯才力令一切衆生歡喜滿足故具波羅蜜力莊嚴大乘故具大願力求不斷絕故具神通力出生無量故具加持力令信解領受故是則能淨力波羅蜜知貪欲行者知瞋恚行者知愚癡行者知等分行者知修學地行者一念中知無邊衆生行知無邊衆生心知一切法真實知一切如來力普覺悟法界門是則能淨智波羅蜜佛子菩薩如是清淨諸波羅蜜時圓滿諸波羅蜜時不捨諸波羅蜜時住大莊嚴菩薩衆中隨其所念一切衆生皆爲說法令增淨業而得度脫墮惡道者教使發心在難中者令勤精進多貪衆生示無貪法多瞋衆生令行平等著見衆生爲說緣起欲界衆生教離欲恚惡不善法色界衆生爲其宣說毗鉢舍那無色界

衆生爲其宣說微妙智慧二乘之人教寂靜行樂大乘者爲說十力廣大莊嚴如其往昔初發心時見無量衆生墮諸惡道大師子吼作如是言我當以種種法門隨其所應而度脫之菩薩具足如是智慧廣能度脫一切衆生佛子菩薩具足如是智慧令三寶種永不斷絕所以者何菩薩摩訶薩教諸衆生發菩提心是故能令佛種不斷常爲衆生開闡法藏是故能令法種不斷善持教法無所乖違是故能令僧種不斷復次悉能稱讚一切大願是故能令佛種不斷分別演說因緣之門是故能令法種不斷常勤修習六和敬法是故能令僧種不斷復次於衆生田中下佛種子是故能令佛種不斷護持正法不惜身命是故能令法種不斷統理大衆無有疲倦是故能令僧種不斷復次於去來今佛所說之法所制之戒皆悉奉持心不捨離是故能令佛法僧種永不斷絕菩薩如是紹隆三寶一

一切所行無有過失隨有所作皆以迴向一切智門是故三業皆無瑕玷無瑕玷故所作衆善所行諸行教化衆生隨應說法乃至一念無有錯謬皆與方便智慧相應悉以向於一切智智無空過者菩薩如是修習善法念念具足十種莊嚴何者爲十所謂身莊嚴隨諸衆生所應調伏而爲示現故語莊嚴斷一切疑皆令歡喜故心莊嚴於一念中入諸三昧故佛刹莊嚴一切清淨離諸煩惱故光明莊嚴放無邊光普照衆生故衆會莊嚴普攝衆會皆令歡喜故神通莊嚴隨衆生心自在示現故正教莊嚴能攝一切聰慧人故涅槃地莊嚴於一處成道周遍十方悉無餘故巧說莊嚴隨處隨時隨其根器爲說法故菩薩成就是如是莊嚴於念念中身語意業皆無空過悉以迴向一切智門若有衆生見此菩薩當知亦復無空過者以必當成阿耨多羅三藐三菩提故若聞名若供養若同住若憶念佛

隨出家若聞說法若隨喜善根若遙生欽敬乃至稱揚讚歎名字皆當得阿耨多羅三藐三菩提佛子譬言如有樂名爲善見衆生見者衆毒悉除菩薩如是成就此法衆生若見諸煩惱毒皆得除滅善法增長佛子菩薩摩訶薩住此法中勤加修習以智慧明滅諸癡暗

以慈悲力摧伏魔軍以大智慧及福德力制諸外道以金剛定滅除一切心垢煩惱以精進力集諸善根以淨佛土諸善根力遠離一切惡道諸難以無所著力淨智境界以方便智慧力出生一切菩薩諸地諸波羅蜜及諸三昧六通三明四無所畏悉令清淨以一切善法力成滿一切諸佛淨土無邊相好身語及心具足莊嚴以智自在觀察力知一切如來方無所畏不共佛法悉皆平等以廣大智慧力了知一切智智境界以往昔誓願力隨所應化現佛國土轉大法輪度脫無量無邊衆生佛子菩薩摩訶薩勤修此法次第成就

諸菩薩行乃至得與諸佛平等於無邊世界守爲大法師護持正法一切諸佛之所護念守護受持廣大法藏獲無礙辯深入法門於無邊世界大衆之中隨類不同普現其身色相具足最勝無比以無礙辯巧說深法其音圓滿善巧分布故能令聞者入於無盡智慧之門知諸衆生心行煩惱而爲說法所出言音真足清淨故一音演暢能令一切皆生歡喜其身端正有大威力故處於衆會無能過者善知衆心故能普現身善巧說法故音聲無礙得心自在故巧說大法無能沮壞得無所畏故心無怯弱於法自在故無能過者於平八

智自在故無能勝者般若波羅蜜自在故所說法相不相違背辯才自在故隨樂說法相續不斷陀羅尼自在故決定開示諸法實相辯才自在故隨所演說能開種種譬喻之門大悲自在故勤誨衆生心無懈息大慈自在故放光明網悅可衆心菩薩如是處於高廣

師子之座演說大法唯除如來及勝願智諸
大菩薩其餘衆生無能勝者無見頂者無映
奪者欲以難問令其退屈無有是處佛子菩
薩摩訶薩得如是自在力已假使有不可說
世界量廣大道場滿中衆生一一衆生威德
色相皆如三千大千世界主菩薩於此纔現

其身悉能映蔽如是大衆以大慈悲安其怯
弱以深智慧察其欲樂以無畏辯爲其說法
能令一切皆生歡喜何以故佛子菩薩摩訶
薩成就無量智慧輪故成就無量巧分別故
成就廣大正念力故成就無盡善巧慧故成
就決了諸法實相隨羅尼故成就無邊際菩

平八

土

提心故成就無錯謬妙辯才故成就得一切
佛加持深信解故成就普入三世諸佛衆會
道場智慧力故成就知三世諸佛同一體性
清淨心故成就三世一切如來智一切菩薩
大願智能作大法師開闡諸佛正法藏及護
持故爾時法慧菩薩欲重宣其義承佛神力

而說頌言

心住菩提集衆福
正念其意恒不忘
念欲堅固自勤勵
以無諱行入深法
佛歡喜已堅精進

入於諸地淨衆行
如是而修獲妙法
隨其心樂及根性
菩薩爲他演說法
波羅蜜道既已成
晝夜勤修無懈倦

滿足如來所說願
既得法已施群生
悉順其宜爲開演
不捨自己諸度行
常於有海濟群生
令三寶種不斷絕

常不放逸植堅慧
十方諸佛皆歡喜
於世無依無退怯
十方諸佛皆歡喜
修行福智助道法

悉以迴向如來地
普爲成就諸群生
降伏魔軍成正覺
深入如來正法藏
譬如甘露悉沾潤
衆生心行靡不知

如其所樂爲開闡 無量無邊諸佛法
進止安徐如象王 勇猛無畏猶師子
不動如山智如海 亦如大雨除衆熱
時法慧菩薩說此頌已如來歡喜大眾奉行

大方廣佛華嚴經卷第十八

土末

舛謬上昌歎反下昌僻見上普擊反下丁念反瑕玷上胡加反下昌勤勵下力制反密
灑下沙開闡善反

平八

大方廣佛華嚴經第十九
于闐國三藏沙門實叉難陀譯
升夜摩天宮品第十九
余時如來威神力故十方一切世界一一四
天下南闍浮提及須弥頂上皆見如來處於
衆會彼諸菩薩悉以佛神力故而演說法莫

不自謂恒對於佛尔時世尊不離一切菩提
樹下及須弥山頂而向於彼夜摩天宮寶莊
嚴殿時夜摩天王遙見佛來即以神力於其
殿內化作寶蓮華藏師子之座百萬層級以
爲莊嚴百萬金網以爲交絡百萬華帳百萬
鬘帳百萬香帳百萬寶帳弥覆其上華蓋鬘
蓋香蓋寶蓋各亦百萬周迴布列百萬光明
而爲照曜百萬夜摩天王恭敬頂禮百萬梵
王踊躍歡喜百萬菩薩稱揚讚歎百萬天樂
各奏百萬種法音相續不斷百萬種華雲百
萬種鬘雲百萬種莊嚴真雲百萬種衣雲周
匝弥覆百萬種摩尼雲光明照曜從百萬種
善根所生百萬諸佛之所護持百萬種福德
之所增長百萬種深心百萬種誓願之所嚴
淨百萬種行之所生起百萬種法之所建立
百萬種神通之所變現恒出百萬種言音顯
示諸法時彼天王敷置座已向佛世尊曲躬
合掌恭敬草重而白佛言善來世尊善來善